

Powšitkowne WOZJEWJENJA

njedźelu, 15. decembra 2013

TCM – „Łužica pomha“ prosy wo šćedriwe dary

Towarstwo Cyrila a Metoda z.t. (TCM) chce ze swojej lětušej pomocnej akciju „Łužica pomha“ dźěło rjadnicow w Albanskej podpěrać. Projekt bu njedźelu, 1. decembra, w Katolskim Posole předstajeny . TCM prosy wěriwych wo šćedriwe dary na konto Cyrill-Methodius-Verein, kontowe čisło 828 23 66, BLZ 750 90 300 pola banki LIGA-respektiwnje IBAN DE65 750 90 300 000 828 23 66, BIC GENO DEF1 M05 pod hesłom „Łužica pomha“.

J. Špitank, předsyda TCM

Přiležnosć k swjatej spowědži w Róžeńće

wutoru, 17. decembra 18.30 - 19.30 hodź.	farar M. Anders, farar P. Kral, farar B. Jakubaš, farar J. Magiera
pjatk, 20. decembra 17.30 - 18.25 hodź.	farar H. Morawietz, farar G. Nawka, farar P. Kral, farar B. Jakubaš
sobotu, 21. decembra 17.00 - 18.00 hodź.	farar M. Anders, farar W. Šćapan, farar P. Kral, farar B. Jakubaš

Adwentnej koncertaj w Klóštrje a Weinböhli

Serbski projektowy chór pod nawodom Tomaša Kole wuhotuje po lěće 2008 zaso adwentnej koncertaj duchowneje wokalneje hudźby. Prěni raz zaklinčitej na nimaj mjez druhim cyle nowej serbskej twórbje. Prěni koncert budže třecu adwentnu njedźelu, 15. decembra, w 16.30 hodź. w klóšterskej cyrkwi w Pančicach-Kukowje. Dalši předstaji so sobotu, 21. decembra, w 17 hodź. w cyrkwi swjateho Měrćina we Weinböhli njedaloko Radebeula. Zastup je darmotny, prosy pak so wo dar w zběrce.

Adwentne dny za swójby

Serbske kubłanske srjedzišćo LIPA z.t. přeprošuje serbske swójby na adwentne dny pod temu „Žiwjenski són swójba“, a to wot pjatka do njedźele, 20. do 22. decembra. Hižo pjaty króć přewjedu so tele zhromadne dny za młode swójby w Domje biskopa Bena w Smochćicach. Přizjewjenja su móžne pod telefonowym čisłom (03 57 96) 8 88 89 abo z mailku na sbz_lipa@web.de.

Adwentnička młodostnych

Adwentnička serbskich młodostnych je lětsa njedźelu, 15. decembra, w Njebjelčicach. Započatk je w 14 hodź. z nyšporom w cyrkwi, kotryž wuhotuje chór 1. serbskeje kulturneje brigady z Budyšina. Potom je na „Bjesadže“ adwentna hra, kotruž předstaja Kulowscy. Přizamknje so swačina.

Adwentny koncert Budyskich gymnaziastow

Na swój mjeztym 20. adwentny koncert přeprošuje chór 1. serbskeje kulturneje brigady z.t. sobotu, 21. decembra, w 17 hodź. do Michałskeje cyrkweje w Budyšinje. Mjez druhimi zaklinči „Adwentna kantata“ na dwanaće hronow Swjateho pisma. Wuměłski nawod změje tachantski kantor Friedemann Böhme. Koncert so lětsa nahrawa.

Komplet we Worklečanskej kapałce

Komplet dekanatneje młodžiny budže sobotu, 21. decembra, w 20 hodź. we Worklečanskej kapałce. Přizamknje so zhromadny wječor w Don Boskowym domje.

Hodowny nyšpor w Różeńće

Chór Lipa wuhotuje njedźelu, 29. hodownika, w 17 hodź. w Różeńčanskej cyrkwi swój tradicionalny beneficny nyšpor. Zaklinča mjez druhim nowe serbske, česke a łaćonske chórowe kaž tež instrumentalne twórby. Zběrka při durjach budže za hnadownu cyrkej. Wšitcy lubowarjo hodownych zynkow su lubje přeprošeni.

Meditaciski koncert silwester w Baćonju

Z hudźbu a spěwom, z modlenjom a rozpominanjom chcemy lěto Knjezowe 2013 w zmysle „Wšo w Božim mjenje spočinam a w Božim mjenje dočinjam“ zakončić. K tomu přeprošujemy wšitkich wutrobnje na meditaciski koncert wutoru, 31. hodownika, w 19 hodź. do Baćońskeje cyrkwyje. Hudźbne wuhotowanje je lětsa Radworski chór Meja přewzał. Nimo spěwow zaklinča tež instrumentalne kruchi a pokazaja so swětłowobrazy. *Baćońska wosada*

Koparski turněr wo pokal TCM

Towarstwo Cyrila a Metoda z.t. (TCM) zarjaduje sobotu, 4. januara, w 13.30 hodź. w Chróšćanskej „Jednoće“ halowy koparski turněr wo pokal TCM. Přeprošene su wosadne a wjesne mustwa młodźiny. Kóžde mustwo měło z wosom hrajerjemi nastupić. Hrać budže so z třomi koparjemi a jednym wrotarjom. Přizjewić měli so mustwa hač do pónđzele, 30. decembra, pola předsydy TCM Jurja Špitanka, telefonowe čisło (03 57 96) 9 63 47 abo mobilnje pod (01 72) 7 97 38 29.

Kubłanske dny w Schmiedebergu

Kubłanske dny serbskich młodostnych w Schmiedebergu budu wot štwórtka do njedźele, 2. do 5. januara. Přizjewjenja přijimuju so hač do pjatka, 20. decembra, w Dekanatnym dušepastyrstwje we Worklecach pod telefonowym čisłom 03 57 96 (9 55 95) abo z mailku na don.boskowy-dom@t-online.de

Mandźelske seminary 2014

Termíny mandźelskich seminarow za přichodne lěto su 14./15. měrca, 28./29. měrca a 28./29. nowembra w Smochćicach. Přizjewić měli so zajimcy pisomnje pola Dekanatneho dušepastyrstwa, Młynski puć 4, we 01920 Worklecach. Formulary k tomu móža sej w cyrkwjach sobu wzać.